

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : YB DR. TAN SENG GIAW  
(KEPONG)**

**SOALAN:**

**Minta MENTERI PERTAHANAN menyatakan setakat mana beliau dapat memodenkan aset, infrastruktur dan sistem pengurusan sejajar dengan teknologi ketenteraan.**

## **JAWAPAN:**

**Kerajaan sentiasa peka dan berterusan memodenisasikan keperluan pertahanan negara dan telah melengkapkan Angkatan Tentera Malaysia (ATM) dengan aset-aset yang berteknologi tinggi sejajar dengan perkembangan teknologi ketenteraan masa kini di samping peningkatan kemudahan infrastruktur dan sistem pengurusan. Ini bertujuan untuk menentukan ATM sentiasa bersedia melindungi kedaulatan dan integriti negara serta berada pada tahap kesiagaan yang tinggi untuk bertindak balas terhadap sebarang ancaman. Kepekaan kerajaan ini telah menjadikan keupayaan ATM setanding dengan negara-negara serantau, malah dari beberapa aspek adalah lebih baik.**

**Dalam menghadapi ancaman keselamatan masa kini, keupayaan ATM akan terus dipertingkatkan dengan aset yang berteknologi tinggi di samping pembangunan modal insan dan infrastruktur yang berkualiti. Keupayaan ATM ini dipacu melalui Pelan Pembangunan Keupayaan ATM atau Pelan *Forth Dimension of Malaysia Armed Forces (4DMAF)* yang merupakan *roadmap* bagi pembangunan keupayaan ATM untuk tempoh jangka panjang. Namun begitu ianya adalah tertakluk kepada kemampuan kewangan kerajaan.**

**Setakat ini peruntukan yang diberikan kerajaan telah digunakan sebaik mungkin oleh ATM dalam memastikan keupayaan dan kesiagaannya berada di tahap terbaik.**